

1 Piyta

Piyta Minj Nind Tikak

Minim Nind Niņep

Bi Jiysis minim dand amemb Piyta, minj nind tikak biy, biynimb Krays ker Esiya propens mindyngipay gok kuyip, miker apek Krays nup ma kirgiy, chingiy nep mindenimimb angyi tikak.

Minim Ar Keykey Mindip Rek:

Minim nind angak ak mindip, chapta 1:1-2.

Gor chinup dip ak mey, nuk yip perper mindoneņgambun minim ak, niņyng nep mindeyay angyi, tip angyep gak minim ak mindip, chapta 1:3-12.

Gor nup gosimb niņiy, biynimb suņ-tep nuk gok mindenimimb angak minim ak mindip, chapta 1:13-2:10.

Miker apek, Krays nup ma kirgiy, chingiy nep mindenimimb angak minim ak mindip, chapta 2:11-4:19.

Nimb biyomb gok, biynimb Gor ker mindpay gok kuyip, kond mindrep ginimimb angak minim ak mindip, chapta 5:1-11.

Minim angy jiwak minim day won ak mindip, chapta 5:12-14.

1 ¹Yand Piyta, bi Jiysis minim dand amemb nimbik ak, nimbip minj tiksipiy.

Mam ay Jiwda biynimb. Nimb mindpim? Nind Jerusalem mindiy Jiysis nup chingem, nimbip timey ginyņ geyak, gunap pirik am Pontas mindpim, gunap Galesiya mindpim, gunap Kapadosiya mindpim, gunap Esiya mindpim, gunap Biytiyniya mindpim. Minj kun biy tikyoken, miņmon keykey mindpim okok amek niņnimimb.

²Gor nind gos niņiy, nimbip biynimb yand mindeneņgambay angyi, Kawnan nuk ak yokek apiy, nimbip gos tep ñek, Jiysis Krays chinup angyi kumak minim ak diy mey; biynimb suņ-tep nuk mindiy, angyip rek gipim. Kun ak Gor apiymiyay nimbip simb niņiy, kond mindrep ginimiy.

Mindrep Gep Chin Ak, Mindip Gor Miñmon Biyoŋ

³Bapiy Gor, Ñinuk Biyomb chin Jiysis Krays nup yokek owak rek, yimb nup dand aranjun. Nuk nep chinup simb yimb niñiy, Ñinuk Jiysis Krays nup yokek apiy kumiy, tip tikjakak ak mey, ñapan nuk yimb mindiy, nuk yip perper mindoniŋgambun aŋgiy, gos sek mindpun. ⁴Ñapan nuk mindpun rek, chinup miñmon nuk biyoŋ direp giniŋgamb. Lum ar biy tap gok, wor ay kuyiŋ yowniŋgamb ak pen; chinup aŋgip rek, am nuk yip perper mindrep giniŋgambun.

⁵Gor bi tap alwol gayak ak nup chiŋgipun rek, chinup talak taw mindiy, mind dand amiy, ñin kisen ak apek, dand miñmon tep nuk ak amniŋgamb. ⁶Kun ak tep gakniŋ mindenjun.

Pen miñmon nup ma ambun ñin biy, chinup biynimb Krays ker mindpay aŋgiy, gi timey gey kosyam mindoniŋgambun. ⁷Kosyam mindoniŋgambun kun ak, nup chiŋgipun akan, chiŋgipun ma gipun ak niŋniŋgamb. Biynimb gol tawpay gok dangiyey yinek, maŋgiysek gol nep mindip akan, tap day day sek mindip aŋgiy niŋbay. Gol tap yikop ak pen, kun gipay. Gor nup chiŋgipun akan, ma chiŋgipun ak, tap yomb yimb ak mey, nuk niŋind niŋrep giyn aŋgiy, miker kun gok ñiniŋgamb. Pen chinup miker apek, nup chiŋgipun giy nep mindoniŋgambun ak; kisen apiy chinup wasiw sek, dand miñmon nuk amniŋgamb.

⁸⁻⁹Nimb nind Jiysis Krays nup windin ma niŋbik ak pen, nup gosimb niñiy chiŋgem, biynimb yand aŋgiy dip ak mey; nimbip Gor miñmon biyoŋ amey, tep gip rek ak gisap.

¹⁰⁻¹¹Wosrey Krays Kawnan ak, bi Gor minim aŋgep gok kuyip gos ñek, biynimb simb niñiy diniŋgamb minim ak aŋgiy tikyak. Pen Krays miker diy kumek, biynimb mindrep giniŋgambay minim aŋgyak kun ak; kiyk key niŋrep ma giy, chinup aŋgip akan, biynimb kisen gok key aŋgip aŋgiy, piyowniŋ mindyiŋgipay.

¹²Pen kisen niŋyak: minim kun ak kuyip niŋyaŋ aŋgiy ma aŋgak, chinup mindpun ñin biy nep aŋgak. Minim tep kun ak mey; minim Gor Kawnan biynimb gunap kuyip gos ñek, nimbip aŋgey, niŋrep gipim. Enjol gok kunep, minim tep kun ak niñiy, Gor biynimb gok kuyip, yerip rek giniŋgamb aŋgiy niŋbay.

Gor Chinup Biynimb Suŋ-tep Mindenimimb Aŋgip

¹³Kun ak gos yesek ar gunap ma niŋnimimb; Krays andkind apiy, nimbip diniŋgamb gos ak niñiy, tep gakniŋ kond mindenimimb.

¹⁴Gos key niñiy giyiŋgipim rek ma ginimimb; Gor aŋgip rek ginimimb. ¹⁵Yerer giniŋ ginimimb ak; Gor bi suŋ-tep nimbip suk aŋgip ak, gip gip rek ginjun aŋgiy ginimimb. ¹⁶Nuk aŋgak rek tikiy aŋgyak, “Yand bi suŋ-tep mindpiyn rek, nimb kunep mindenimimb aŋgyak.”

Gor Chinup Kosyam Yimb Tawiy Dak

¹⁷Gor nuk biynimb gok kuyip bilokning, monmon ma gip, gipay gipay rek niñiy bilokip. Kun ak am nuk yip ma mindpun ñin biy, aᅅgip aᅅgip rek niñiy ginjun. ¹⁸⁻¹⁹Chin basind apis sikop giyᅅgipay ar ak, gi dand amiy kim amningambun aᅅgiy, gi mer niñon, Gor chinup dak ak; gol, maniy, siylpa tap yikop kun gok rek tawiy ma dak. Pen siypsiyp teprep yimb gok dand amiy, pik Gor nup simbonᅅñiyᅅgipay rek ak; Ni tep yimb nuk ak yokek apiy kumek, chinup dak. ²⁰Mankumb biy ma gayak ñin ak, Ñinuk nup chinup ar kun ak giningamb aᅅgiy aᅅgayak ak mey, miñiy mindpun ñin biy, chinup nen yokek apiy kumak. ²¹Gak kun ak, Nop gek tip ak tikjakiy, nuk ker amnak rek, Nop nup gosimb niᅅbim ak mey; chinup ma kirginingamb aᅅgiy, gos sek mindpim.

Mam Ay Okok Kuyip Wasemb Ayjun

²²Nimb minim niñind yimb ak niñiy, biynimb suᅅ-tep nuk mindpim rek; mam ay nup ker mindpay gok kuyip, wasemb aypim. Kun ak penpen wasemb yimb aᅅiᅅg mindenimimb. ²³Pen minim dipik ak, yep won nokom mindiy, kurginingamb bap ma dipik; Gor minim per mindeningamb ak dipik ak mey, perper mindeningambim. ²⁴Baybol buk ak tikiy aᅅgyak, “Biynimb gok maᅅgiyseᅅ tap kaskas rek nep mindpay; yimb yomb dipay ak mon sum sum rek nep mindip. Tap kun gok kasek milip giy, luᅅg yowip. ²⁵Pen Gor minim ak perper mindeningamb aᅅgyak.”

Minim tep kun ak nep, nimbip aᅅᅅey niᅅbim.

Biyomb Ak Mey, Kamb Tep Per Mindeningamb

2 ¹Kun ak tap timey gipim rek kirgiy, yesek apim ak kirgiy, miluk niᅅbim ak kirgiy, minim nep apim ak kirgiy, biynimb aᅅᅅiwpim ak kirgiy ginimimb.

²⁻³Ñapan ᅅaᅅ kisen tikpay gok yomb giniᅅg, tiy ñinun aᅅgiy gos nokom niᅅbay. Kun ak rek, nimb biynimb Jiysis nup diy, bi tep yimb aᅅgiy niᅅbim gok, Gor minim yipund giy ak niᅅjun aᅅgiy, gos nokom niᅅnimimb.

⁴⁻⁵Kamb par perper mindeningamb ak, biynimb gunap yiruk niñiy kirpay ak pen; Gor nuk key niᅅek tep yimb ayek, korip sap namb biyoᅅ ak piñiy, nimbip kamb siskoy per mindeningambim gok, piñiy kus kus gisap. Kun ak biynimb tep nuk gok mindiy, nup woᅅg giñiyᅅg, yimb nup dand aranyᅅg mindenimimb.

⁶Baybol buk ak tikiy aᅅgyak:

“Kamb par yip tep gip ak, dand apiy piñiy si piyñ Jerusalem, miñmon Sayon dum apay ak. Biynimb nup chingniᅅgambay gok, bi yesek ak chingipun aᅅgiy, gospar ma aᅅniᅅgambay aᅅgak.”

⁷Kun angek, biynimb nup dipim gok, kamb sap kun ak niñem tep gip. Pen biynimb nup ma dipay gok, Baybol buk ak tikiy angyak:

“Kamb kun ak nup yiruk niñiy kirgiyak ak pen; miñiy korip sap kilis namb biyañ ak mindip angyak.”

⁸Pen minim bap angyak:

“Biynimb kamb ar nokom kun ak apyap pikningambay rek, tapin nep apyap pikningambay angyak.”

Gor minim ak ma niñiy apyap pikpay kun ak, giningamb angak rek nep gey amjap.

⁹Pen nimb Gor biynimb nuk yimb. Nimbip key niñiy dek, biynimb suñ-tep nuk mindiy, nup Biyomb angyi, angninying mindpim. Nind kisyimnamb okok mindiy, kosyam girangyngipim ak pen; nuk gek, melik tep niñiyng tapim ak, yimb nup dand aranimimb.

¹⁰Nind biynimb nuk ma mindyngipim; pen nimbip simb niñiy dek, biynimb nuk yimb mindpim.

Gor Ker Mindpim Rek Mindrep Ginimimb

¹¹Kun ak biynimb tep yand gok. Man ar biy miñmon nimb yipund giy mer; yikop apiy mindpim. Kun ak tap man ar biy ker gok, mindmangiy ay ma gem amnimuñ. Tap kun gok gos niñiy gem amek, apyap pikningambim.

¹²Biynimb Gor ker ma mindpay gok yip mindpim ak, mindrep yimb ginimimb. Kun gem, ñin gunap nimbip angnjwningambay ak pen; kisen Krays winingamb ñin ak, mindrep gipim rek angyikeningambay, Gor nup yimb ak araningamb.

¹³⁻¹⁴Gor biynimb nuk mindpim ak, biyomb man ar biy gok angninyi rek ginimimb. Gapman biyomb yimb ak nup minim ak niñiy, binuk yokek ap nimbip kond mindpay gok kuyip, minim ak niñiy ginimimb. Pen biyomb kun gok, biynimb mindrep giningambay gok kuyip diy, biynimb timey giningambay gok kuyip, minim yomb angninyambay. Yenen: Gor kuyip wong kun ak ginyi angyi, angayak. ¹⁵Pen Gor nup tep giningamb ak; nimb mindrep gem, biynimb gos ma ayak gok nimbip minim yesek angyi, angnjwningiy rek ma ayingamb. ¹⁶Biynimb gunap, key niñbim rek ginimimb apay ak pen; gos kun ak niñiy, monmon ma ginimimb. Gor biynimb nuk mindpim ak, yerer ginyi gos niñrep giy ginimimb.

¹⁷Biynimb yikop gok biynimb chin angyi, mam ay Krays ker mindpay gok kuyip wasemb ay, gapman biyomb yimb anup biyomb angyi, Gor nup biyomb ak key angyi niñnimimb.

Jiysis Nup Kindik Giy Miker Apek Ma Pirikjun

¹⁸Nimb biynimb Krays ker, bi gunap kuyip kalambis wong rek giñimbim gok; kuyip direp giy, apay rek ginimimb. Mindrep gipay

ñin ak nep mer, kalrimey jiwpay ñin ak kunep, girep ginimimb. ¹⁹Pen nimbip monmon geniņgiy, Gor nup gosimb niņbim rek, kuyip gos timey ma niņeniņgambim; Gor nimbip direp giniņgamb. ²⁰Pen timey gem, nimbip monmon giniņgambay ak ma aspiyn; mindrep gem, nimbip kun giniņgambay ak aspiyn. ²¹Kuyip miker ñey kapkap nep mindeniņgiy aņgiy chinup dak. Kun ak Ñinuk chinup aņgiy yiwur dak gos ak niņiy, chinup miker ñeniņgiy, gos yomb ma niņjun; nuk gip gip rek ginjun aņgiy, gon amnimuņ. ²²⁻²³Bi tep kun ak minim yesek ma aņgyiņgip; timey ma giyiņgip; nup aņgjiwey, kuyip pen ma aņgjiwak. Nup mon bak biyoņ ñaņgrimbikyakniņ, kuyip minim bap ma aņgak; Bapiy bi minim yipund giy nep aņgip ak, kuyip minim kun ak key aņgniņgamb aņgiy, kirgak. ²⁴Pen chinup aņgiy aņgak, “Yand gach kuyip ak diy kumen, kiyk kim amniyaņ aņgiy,” kumak. Nuk yiwur yomb dak rek; chin tap siy tap timey gok kirgiy, suņrep mindonjun rek ayak. ²⁵Nimb kanj siypsiyp sakiy okok amiy, minduņ ambay rek mindyiņgipim ak pen; miņiy Bi chinup kond mindrep gip ak ker opim.

Beryoņg Gok Kuyip Minim Aņgak

3 ¹⁻²Pen biyn bi sek mindpim gok, nimbip minim aņgniņg gispiyn. Naņgumiy sikop aņgniņgiy rek niņiy, mindrep ginimimb. Naņgumiy sikop Gor nup ma deniņgiy niņiy, yenen Gor nup ma dipan aņgiy, ma aņgnimimb. Pen key mindrep giy, kuyip direp gem mey, biyn yand ak Gor nup chiņgiy mindrep yimb gip aņgiy, nup gosimb niņniņgambay. ³Pen biyn tep tep mindon aņgiy, tap mokyaņ won ak nep timey giniņgamb gok ayun aņgiy, ma niņnimimb. Jun kas malikiy, chech tep tep yimiy, biys tep tep aypay rek ma giy; ⁴gos niņrep giy kal ma jiwiy, kapkap mindrep gem mey, Gor nup tep giniņgamb. ⁵Chin Jiwda apis wosrey Gor nup gosimb niņyak gok, kun ak rek nep giy, nuņgumiy sikop kuyip minim ak niņiy, biyn tep yimb gok mindyiņgipay. ⁶Biyn Sera nuņgumiy Ebrahim nup, biyomb yand aņgiy, aņgyiņgip rek nep giyiņgip. Nimb ma pirikiy, gak kun ak rek giy mey, Sera panuk yimb rek mindeniņgambim.

⁷Pen nimb bi biyn sek mindpim gok, nimbip kunep minim aņgniņg gispiyn. Biyn gok, bi rek kilis ma mindpay ak, biyn nimbik gok kuyip direp ginimimb. Gor nimbip bi gok nep diy, biyn gok kuyip ma kirgip; nimbip simb niņiy dip rek, kuyip kunep dip. Biyn nimbik gok kuyip kond mindrep giy mey, Gor nup aņgniņem, minim nimbip ak ma kirginiņgamb.

Chin Aw Aņgiy Jimņiy Mindonjun

⁸Minim aņgjiwning gispiyn. Mam ay gok kuyip simb niņiy, jimņiy mindenimimb. Yand nep biyn yomb; yand nep biyomb aņgiy ma aņgnimimb. Miluk ma niņnimimb. ⁹Biynimb gunap nimbip timey

geniᅅgiy, kuyip pen timey ma ginimimb. Anᅅjiweningiy, pen ma anᅅjiwnimimb. Nimbip yerer geniᅅgiy, Gor nup anᅅniᅅem, kuyip kond mindonimuᅅ. Yenen, Gor nimbip dak ak; den mindrep giniᅅgiy anᅅgiy dak. ¹⁰Baybol buk ak tikiy anᅅgak,

“Biynimb mind tep giyiᅅ, tokiy yimb ay kumjun anᅅgiy niᅅbay gok, minim yesek gok yip, minim timey gok yip ma anᅅniᅅgiy. ¹¹Pen timey gipay ar ak kirgiy, mindrep giyiᅅ; jimᅅniy mindenjun anᅅgiy, kapkap mindeniᅅgiy. ¹²Yenen: Gor biynimb tep nuk gok kuyip kond mindyiᅅ, minim apay ak niᅅimb ak pen; biynimb timey gipay gok kuyip kirgiy anᅅgak.”

Mindrep Gem Nimbip Timey Gey, Ma Piriknimimb

¹³Mindrep gun anᅅgiy nep gem amek, nimbip timey gun anᅅgiy ma niᅅniᅅgambay. ¹⁴Pen timey geniᅅgiy, gos kuᅅay ma niᅅnimimb; Gor ker mindpun rek, chinup kun gispay anᅅgiy, tep gakniᅅ mindenimimb. Biynimb nimbip timey gipay gok kuyip ma pirikiy, gos yomb ma niᅅnimimb. ¹⁵Pen gosimb namb nimb okok, Krays Biyomb yimb ak, chinup kond mindip anᅅgiy niᅅnimimb. Biynimb gunap yenen gos sek mindpim anᅅgiy anᅅniᅅeniᅅgiy, Krays chinup direp gip minim ak, kuyip anᅅᅅinimimb. ¹⁶Pen anᅅᅅiniᅅ, kuyip direp giy, kapkap anᅅᅅirep ginimimb. Gor nimbip niᅅmindip ak niᅅiy, Krays nup chiniᅅgiy mindrep gem mey, nimbip anᅅjiwning geniᅅgambay ak, nambiᅅ gek kirginiᅅgambay. ¹⁷Mindrep gipikniᅅ, Gor kuyip ᅅinen kirgek, nimbip timey giniᅅgambay ak, minim ma mindip. Pen kuyip timey gem, nimbip pen timey giniᅅgambay ak, Gor nup tep ma giniᅅgamb.

Krays Kumiy Gach Chinup Wiykyokak

¹⁸Nimb Krays nup timey giyak ak kunep niᅅbim. Nuk bi tep; tap siy tap timey bap ma gak. Pen tap siy tap timey chinup ak nen anᅅgiy, minek nokom yimb kumek, Nop gek tip ak tikjakiy, ¹⁹am biynimb nind kumiy am mindeyak gok kuyip, minim anᅅᅅak. ²⁰Biynimb kun gok, Nowa mindek ᅅin ak, Gor nup minim ak ma niᅅeyak, kuyip minim yomb ma anᅅgak: minim yip niᅅniᅅgambay akaᅅ anᅅgiy, kond mindek. Kond mind dand amiy, Nowa nup siyip ginimin anᅅgak ak gi diy, anᅅek Nowa apyong onep jiy ak siyip miᅅgan amey, Gor gek miᅅmon pikiy ᅅiᅅg tan araniy, man ak yiwiᅅgdak. ²¹Pen siyip miᅅgan mindey, ᅅiᅅg ak kuyip dand araneᅅ, kim amniyak kun ak rek, chin Krays kumiy tikjakak kind ak mindiy ᅅiᅅg pikiy, kunep kim ambun. Pen ᅅiᅅg pikpun kun ak, mumbwak gach ay yokun anᅅgiy ma pikpun; Gor yip, chin yip minim bap ma mindip anᅅgiy minim anᅅgak, ᅅiᅅg pikpun. Gipun kun ak, Krays chinup anᅅgiy kumiy tip tikjakak rek, kim amniᅅgambun. ²²Nuk pen kumiy tip ak tikjakiy, am Nop ᅅin yipund kind okok ken mindiy, enᅅol, kichekiy malᅅiluk tap gok maᅅgiyseᅅ, beᅅ nuk okok mindpay.

Miker Diying, Miñ Nindnimb Ar Ak Kirginingambun

4 ¹Kun ak nen, Krays chinup angyi yiwur diy kumak gos ak niñiy, mindrep ginjun. Biynimb miker yomb dipay gok, tap siy tap timey gun angyi gos ak ma niñbay. ²Nin kun ak tikiy Gor nup angninying, tep ginimuñ ar ak ginjun angyi, mindmañgyi kiyk key tikjakningamb ar ak ma gey amningamb. ³Nimb nind Gor biynimb nuk mer gok, gipay rek gi mindyngipim. Gos timey niñiy, biyn siy bi siy giy, ñing kilis ñimb sakiy ay, monmon giy, tap Gor ma angninimimb angyi gok angninying gi mindyngipim. ⁴Miñiy pen, biynimb yikop gok mindrep gipim ak niñiy, yenen chin yip yingong giy monmon ma gipun angyi, nimbip angyiwpay. ⁵Pen mañ mindip; Gor biynimb kim mindeningambay gok sek, kumyak gok sek yerer giyak gok; yenen kun gipim angyi angninyingamb. ⁶Ar kun ak nep, Gor gek minim nup ak kuyip angyeyak niñiy, kumyak. Pen biynimb mañgyisek kumbay rek kumiy, mumbwak ak pisnep kuy gak ak pen, kawnan gok amiy, Gor kim mindip rek ak mindpay.

Gor Wong Chinup Ar Keykey Angyip Rek, Girep Ginjun

⁷Mañ mindip, tap mankumb biy mañgyisek kurginyingamb. Kun ak gos niñiyng, mindrep giying, Gor nup angninimimb. ⁸Minim yomb yimb ak mey, penpen wasemb ay mindenimimb. Biynimb penpen wasemb aypay gok, kasek miluk niñiy, penpen angninyi rek ma ayip. ⁹Pen Gor biynimb nup gunap, korip nimbip apenyngiy, yenen opay angyi ma angnimimb; kuyip wasiw angyi dinimimb. ¹⁰Gor nimbip gos tep keykey ñimb rek giying, biynimb gok kuyip direp ginimimb. ¹¹Nimb biynimb Gor minim angyñemb rek ayip gok, angyñirep ginimimb. Nimb biynimb wong giñemb rek ayip gok, Gor nimbip kilis ñimb rek, biynimb gok kuyip wong giñinimimb. Kun geningambim, Jiysis Krays ker mindpim ak niñiy, Nop nup yimb ak dand aranyingambay. Nuk Biyomb yimb chin ak, nup miñmiñ giying; yimb perper dand aranjun. Tep.

Krays Ker Mindpim Rek, Nimbip Miker Ñiningambay

¹²Buñgyi tep yand gok. Krays nup gosimb niñem, nimbip miker yimb ñimbay ak, chinup yenen kun gisap angyi, gos ak ma niñnimimb. ¹³Krays ker mindpun ak, nup giyak rek chinup gispay angyi, miñmiñ giying mindem mey; nuk winyingamb ñin ak, nimbip tep yimb ginyingamb. ¹⁴Krays biynimb nuk angyi nimbip angyiwenyngiy, tep gakniñ mindenimimb. Gor Kawnan tep ak, yip mindpim ak niñiy mey, kun ginyingambay. ¹⁵Nimb tap siy diy; chip ñangiy; tap timey gunap giy akañ; biynimb gunap tap kuyip gok niñiy, yand bi gep angyi gem amningamb ak, nimbip niñind miker ñinyingambay. ¹⁶Pen Krays nup dipim rek, nimbip miker ñenyngiy, gos yomb ma niñnimimb. Krays biynimb nuk

mindpun rek, chinup kun gispay angyi, tep gakniņ Gor nup yimb ak dand aranimimb. ¹⁷Miker yomb dep ñin ak asaw rek, chin Gor biynimb nuk gok, kiņiņ giy miker dispun. Pen miker yomb yimb apek, biynimb minim tep nup ma dipay gok, yergiy rek mindeniņgambay. ¹⁸Baybol buk ak tikiy angyak:

“Gor biynimb tep nuk gok, kosyam yimb kim amniņgiy rek mindip ak; biynimb nup kirgiy, tap siy tap timey gi mindpay gok, yergiy kim amniņgambay angyak.”

¹⁹Kun ak Gor miker chinup angyaip rek nep diniņgambun ak, gos kuņay ma niņjun. Nuk Biyomb chinup gayak ak, monmon ma giniņgamb; chinup direp giniņgamb ak niņiy, mindrep giyiņg gon amnimuņ.

Nimb Biyomb Gor Minim Anņñemb Gok, Biynimb Nuk Gok Kond Mindrep Ginimimb

5 ¹Nimbip bi Gor biynimb nuk kond mindpim gok, minim anņniņg gispiyn. Yand Piya, woņg nimb gipim kun ak rek gipiyn. Krays miker chinup diy kumak ñin ak, yand niņmendenik. Nuk winiņgamb ñin ak, chinup jimñiy tep giniņgamb. ²Pen bi kanj siypsiyp mokep gok, mokrep gipay rek, Gor biynimb nuk ñin ar nimbip ayak gok kuyip, kond mindrep ginimimb. Biynimb gunap nimbip nembnemb giy anņey, Gor woņg ak ma ginimimb; maniy tap gok nen ma ginimimb; woņg chinup angyaip ak gispun angyi, tep gakniņ ginimimb. ³Chin biyomb mindpun angyi, Gor siypsiyp nuk gok kuyip, ma anņ ginimimb. Nimb key mindrep gem mey, nimbip niņiy kunep giniņgiy. ⁴Ar kun ak gem mey, Bi siypsiyp Nop yipund giy ak apiy, nimbip ar band kilis per ñiņakol angyiņg mindeniņgamb ak ñiniņgamb.

Yimb Chin Key Ma Dand Araniy, Gos Yipund Giy Niņjun

⁵Kun ak rek nimb bi paranj gok, biyomb nimbip kond mindpay gok anņniņgiy rek niņnimimb. Nimb maņgiysek siskoy diy, biynimb chin gunap kuyip, direp ginjun angyi mindenimimb. Baybol buk ak tikiy angyak:

“Gor biynimb yimb yomb diniņg gipay gok kuyip yiruk niņiy, biynimb siskoy dipay gok kuyip, direp yimb gip angyak.”

⁶Kun ak Gor nup niņiy ñawil diy, anņip rek goniņgambun; ñin kisen angyayak ak apek, gek mindrep giniņgambun. ⁷Nuk key nimbip kond mindrep gip rek, miker mindonimuņ, maņgiysek di ñin ar nup ak aynimimb.

⁸Pen niņrep giy mindenimimb. Seytan, kayn yomb layon rek, biynimb siw ñiņiy angyi, piyowniņ aran apyan gisap. ⁹Nimbip nep ma gisap, mam ay miñmon okok kuyip maņgiysek gisap. Kun ak Gor nup chingrep giyiņg, Seytan nup angyoknimimb. ¹⁰Gor bi biynimb simb niņimb ak,

perper mindeningiy aᅅgiy Krays nup yokek apiy, nimbip dak ak mey; won biy nimbip timey gey gos kuᅅay niᅅmindpim ak pen; nuk geniᅅgamb nup chingrep yimb giy, mindrep yimb giniᅅgambim. ¹¹Nuk nep mey, per biyomb mindonimuᅅ! Tep.

Minim Day Won Gunap

¹²Pen mam Salas yip mindiy, minim sikoy won biy aᅅgiy, nimbip minj tiksipur. Mam kun ak, gosimb chin niᅅbun rek niᅅimb. Nimbip minj tikpiyn kun biy apiyn, “Gos gunap ma niᅅnimimb; Gor chinup simb niᅅiy dip minim ak, niᅅind yimb aᅅgiy, niᅅyᅅng nep mindenimimb apiyn.”

¹³Pen Krays biyᅅnimb nuk mindpay miᅅmon Babiylon biy, “Nimbip mindpim?” apay. Niᅅyand Mak kunep aᅅgip, ¹⁴“Mam ay Krays ker mindpay gok kuyip niᅅiy, niᅅin piksanimimb aᅅgip.” Nup ker mindpim rek, nimbip kond mindenᅅ.